

Кичик бизнес ва тадбиркорлар, корхона ҳамда ташкилотлар рахбарлари диққатига !

1. “Нефть, газ ҳамда газ конденсатини қазиб чиқариш, қайта ишлаш ва сотишга;
2. Магистрал газ қувурлари, нефть қувурлари ва нефть маҳсулотлари қувурларини қуриш, улардан фойдаланиш ва уларни таъмирлашга;
3. Автомобилларга газ тўлдириш компрессор шохобчаси орқали сиқилган газ сотишга;
4. Автомобилларга суюлтирилган газ қуйиш шохобчаси орқали суюлтирилган газ сотишга;
5. Газ тўлдириш станцияси орқали суюлтирилган газни қабул қилиш, сақлаш ва тарқатиш бўйича фаолиятни бошлаш учун тегишли ҳужжатларни расмийлаштириш учун жойлардан йиғилиши керак бўлган ҳужжатлар тўғрисида

Э С Л А Т М А

“Фаолиятнинг айрим турларини лицензиялаш тўғрисида”ги Ўзбекистон Республикасининг 2000 йил 25 майдаги 71 – II сонли Қонунига мувофиқ Ўзбекистон Республикаси Вазирлар Маҳкамаси 2003 йил 9 июлдаги 310-сонли “Нефть, газ ҳамда газ конденсатини қазиб чиқариш, қайта ишлаш ва сотиш, магистрал газ қувурлари, нефть қувурлари ва нефть маҳсулотлари қувурларини лойиҳалаштириш, қуриш, улардан фойдаланиш ва уларни таъмирлаш бўйича фаолиятни лицензиялаш тўғрисида”ги қарори талабига мувофиқ Ўзбекистон Республикаси Вазирлар Маҳкамаси томонидан қуйидаги талаблар ва ҳужжатлар расмийлаштирилганидан сўнг фаолият тури бўйича лицензия тақдим этилади.

Қарор талабига мувофиқ юқорида кўрсатилган барча фаолият тури билан шуғулланишни истаган талабгор томонидан қуйидаги лицензия талаблари ва шартларини бажариши лозим:

ЛИЦЕНЗИЯ

ТАЛАБЛАРИ ВА ШАРТЛАРИ

- а) лицензиат томонидан лицензия соҳасидаги Ўзбекистон Республикаси қонун ҳужжатларига, шунингдек амалдаги экология, санитария, метрология, ёнғиндан сақлаш ва техник нормалар, нормативлар ва қоидаларга риоя этиш;
- б) юридик шахс шатида лицензияда кўрсатилган фаолият тури бўйича тегишли маълумотга ва камида уч йил иш стажига эга бўлган раҳбар ва инженер-техник ходимларнинг, шунингдек махсус тайёргарликдан ўтган хизмат кўрсатувчи техник ходимларнинг мавжуд бўлиши;
- в) сотиладиган маҳсулот турларига сифат сертификатининг мавжудлиги ва уларнинг амалда сифат сертификатига мувофиқлиги;
- г) фаолиятнинг лицензияланаётган аниқ турини амалга ошириш, шу жумладан тегишли моддий-техника базасидан, нефть омборидан ва ёнилғи қуйиш асбоб-ускуналарида, бошқа техника воситаларидан фойдаланиш учун шароитларнинг яратилганлиги;
- д) лицензиат томонидан давлат сири ҳисобланадиган маълумотлардан фойдаланиш билан боғлиқ ишлар бажарилган тақдирда режим органининг мавжудлиги;
- е) лицензия талабгорига мулк ҳуқуқи билан ёки бошқа қонуний асосда тегишли бўлган, лицензияланадиган фаолият турини амалдаги нормалар ва қоидалар талабларига мувофиқ тўлиқ

ҳажмда бажариш учун зарур бўлган моддий-техника базасининг (бинолар, хоналар, қурилиш машиналари, механизмлар ва транспорт, асбоблар, энергетика қурилмалари, назорат ва ўлчов воситалари, ташкилий техника, компьютерлар) мавжуд бўлиши.

ЛИЦЕНЗИЯ ОЛИШ УЧУН ЗАРУР БЎЛГАН ҲУЖЖАТЛАР

Лицензия олиш учун лицензия талабгори лицензияловчи органга қуйидаги ҳужжатларни тақдим этиши лозим:

а) юридик шахснинг номи ва ташкилий-ҳуқуқий шакли, унинг жойлашган жойи (почта манзили), банк муассасасининг номи ва банкдаги ҳисоб рақамининг номери, лицензия бериш тўғрисида фаолиятнинг (ёхуд унинг бир қисмининг) лицензияланадиган тури ҳамда фаолиятнинг ушбу тури амалга ошириладиган муддат кўрсатилган ҳолдаги ариза;

б) юридик шахснинг давлат рўйхатидан ўтказилганлиги тўғрисидаги гувоҳноманинг нотариал тасдиқланган нусхаси;

в) лицензия бериш тўғрисидаги аризанинг лицензияловчи орган томонидан кўриб чиқилганлиги учун йиғим тўланганлигини тасдиқловчи ҳужжат;

г) лицензия талабгори ходимларининг лицензия талаблари ва шартларига мувофиқ келувчи малакага эга эканлигини тасдиқловчи ҳужжатлар нусхаси, шу жумладан штатдаги ходимларнинг эгаллаб турган лавозимлари, маълумоти бўйича мутахассислиги, мутхассислиги бўйича иш стажи кўрсатилган рўйхати;

д) фаолиятнинг лицензияланадиган турини амалга ошириш учун фойдаланиладиган бинолар, хоналар, қурилиш машиналари, механизмлар ва транспорт, асбоблар, электр қурилмалари, назорат ва ўлчов воситалари, ташкилий техника, компьютерларга эгалик ҳуқуқининг ёки бошқа ашёвий ҳуқуқнинг мавжудлигини тасдиқловчи ҳужжат;

е) «Саноатконтехназорат» агентлигининг лицензия талабгори моддий-техника базасининг меҳнатни муҳофаза қилиш ва техника хавфсизлигига оид қонун ҳужжатларига мувофиқлиги, шунингдек ходимларнинг билимлари текширилганлиги тўғрисидаги хулосаси;

ж) «Ўздавнефтгазинспекция»нинг ўрнатилган технология жараёнларининг ва технология асбоб-ускуналари аҳолининг амалдаги нормалар ва қоидаларга мувофиқлиги тўғрисидаги хулосаси;

з) Давлат табиатни муҳофаза қилиш қўмитаси органларининг моддий-техника базаси ва ишларни амалга ошириш технологиясининг табиатни муҳофаза қилиш ва экология талабларига мувофиқлиги тўғрисидаги хулосаси;

и) Ўзбекистон Республикаси Ички ишлар вазирлиги ёнғин назорати органларининг техника базасининг ва ходимларнинг ёнғиндан сақлаш талабларига мувофиқлиги ва тайёрланганлиги тўғрисидаги хулосаси;

Юқорида кўрсатилган талабларга қўшимча автомобилларни газ билан тўлдириш компрессор станциялари ва автомобилларга газ қуйиш станциялари объектларини қуришни бошлашдан аввал:

1. Ўзбекистон Республикаси Вазирлар Маҳкамасининг 2007 йил 10 февралдаги 30-сон қарорининг 4 банди, шунингдек қўшимча равишда автомобилларни газ билан тўлдириш компрессор станциялари учун Ўзбекистон Республикаси Вазирлар Маҳкамаси Ёнилғи-энергетика манбааларини тежаш комиссиясининг 2011 йил 1 июлдаги 06-29-35-сон баённомаси қарорининг 4 банди талабига мувофиқ, лицензиялаш комиссиясига албатта Вилоят ҳокимлигидан ушбу шохобча Вилоятнинг ҳудудий жойлаштириш схемасига киритилганлигини тасдиқловчи ҳужжат олиниши;

2. Автомобилларга газ тўлдириш компрессор шохобчаси орқали сиқилган газ сотиш учун қўшимча “Ўзтрансгаз” АК сидан газ қузурига табиий газ олиш учун техник шарт олиш;

3. АГТҚШ ва АГҚШ сининг лойиҳаси «Хавфи юқори бўлган объектларни ҳамда потенциал хавфли ишлаб чиқаришларни лойиҳалаштириш бўйича махсус лицензияга эга бўлган лойиҳачи корхона томонидан ишлаб чиқилиши;

4. АГТҚШ ва АГҚШ сининг қурилиши «Хавфи юқори бўлган объектларни ҳамда потенциал хавфли ишлаб чиқаришларни қуриш бўйича махсус лицензияга эга бўлган лойиҳачи корхона томонидан қурилиши лозим.

Манзил: 100007, Тошкент шаҳри, Мирзо Улуғбек кўчаси 32а.

Телефонлар: 8-371-267-28-17, 8-371- 267-53-89

Электрон манзили: ngi@uznet.net

uzngi@exat.uz

Интернет манзили: www.uzngi.uz